

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj 7/10), na prijedlog Ministarstva za privredu, Vlada Zeničko-dobojskog kantona, na 94. sjednici, održanoj 20.12.2012. godine, d o n o s i

ZAKLJUČAK

I.

Podržava se inicijativa Turističke zajednice Zeničko-dobojskog kantona da se 25 % sredstava ostvarenih prihoda po osnovu godišnje članarine i boravišne takse iz 2012. godine, namijenjenih za očuvanje, konzervaciju i obnavljanje kulturno-historijskog i prirodnog nasljeđa, u cjelosti usmjere za sanaciju, konzervaciju i restauraciju u autentično stanje Mauzoleja na Starom gradu Bobovcu- općina Vareš.

II.

Ovaj zaključak se upućuje Turističkoj zajednici Zeničko-dobojskog kantona, koja će ga zajedno sa Inicijativom iz tačke I. ovog zaključka proslijediti Vladi Federacije Bosne i Hercegovine, Federalnom ministarstvu kulture i sporta i Federalnom ministarstvu okoliša i turizma, u dalju proceduru.

III.

Za realizaciju ovog zaključka zadužuje se Ministarstvo za privredu.

IV.

Zaključak stupa na snagu danom donošenja.

Broj: 02-_____/12.
Datum, 20.12.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za privredu,
1x Turistička zajednica, putem ministarstva,
1x a/a.



03
07.12.2012
Ugarak

**TURISTIČKA ZAJEDNICA
ZENIČKO DOBOJSKOG KANTONA**

Bosna i
Hercegovina

Ul. Maršala Tita, Novi tržni centar, 72001 ZENICA

Tel/fax: 00 387 (0) 32 44 10 50, 44 10 51

Depozitni račun: IK banka 1340100000024370

Transakcijski račun: ProCredit banka 1941120975600143

MINISTARSTVO ZA PRIVREDU ZDK
KUČUKOVIĆI 2
72000 ZENICA
N/R.MINISTAR

Datum: 07.12.2012

Vaš broj /12

Naš broj: 01-565/12

PREDMET: INICIJATIVA ZA RESTAURACIJU STAROG GRADA BOBOVCA

Poštovani ministre Ugarak,

Prema Zakonu o turističkim zajednicama i promociji turizma u Federaciji Bosne i Hercegovine („Službene novine Federacije Bosne i Hercegovine, broj: 19/96 i 28/03) i podzakonskim aktima, Turističke zajednice, pa i Turistička zajednica Zeničko-dobojskog kantona dužna je 25 % ostvarenih prihoda po osnovu godišnje članarine i po osnovu boravišne takse, izdvojiti za ulaganja u projekte za očuvanje, konzerviranje i obnavljanje kulturno-historijskog i prirodnog nasljeđa.

Sredstva za očuvanje, konzerviranje i obnavljanje kulturno-historijskog i prirodnog nasljeđa se koriste prema Programu i Odluci koju donosi **Vlada Federacije Bosne i Hercegovine** na prijedlog Federalnog ministarstva kulture i sporta i Federalnog ministarstva okoliša i turizma. Program za utrošak sredstava za ove svrhe tokom naredne godine se definira na osnovu prikupljenih sredstava iz prethodne godine.

Turistička zajednica Zeičko-dobojskog kantona je obavezna svake godine izdvojiti sredstva na poseban račun, te nakon donošenja Odluke Vlade Federacije Bosne i Hercegovine ista usmjeriti za realizaciju odabranih projekata.

Napominjemo da Turistička zajednica Zeničko-dobojskog kantona do sada nije imala nikakav uticaj na izbor projekata koji će se realizirati iz ovih sredstava.

Imajući u vidu prethodno, te neophodnost intenziviranja razvoja i unapređenja turističke ponude Kantona, kao i potrebu da se napokon nešto ozbiljnije uradi na očuvanju, konzervaciji i obnavljanju najznačajnijeg kulturno-historijskog spomenika u Zeničko-dobojskom kantonu – Kraljevskog grada Bobovca, predlažemo da Vlada Kantona svojom odlukom podrži usmjeravanje pomenutih sredstava iz 2012. godine u ovaj Projekat.

U prilogu ovog akta dostavljamo Vam pregled ulaganja sredstava za očuvanje, konzervaciju i obnavljanje kulturno-historijskog i prirodnog nasljeđa koja se realiziraju prema Odlukama Vlade Federacije Bosne i Hercegovine u periodu 2004-2011 godina, te Studiju izvodljivosti-sanaciono konzervatorsko-restauratorski radovi – Stari grad Bobovac (I faza), sačinjenu od

Zavoda za zaštitu spomenika Federalnog ministarstva kulture i sporta, od februara 2012. godine.

Prilog:

- Pregled uloženi sredstava za očuvanje, konzervaciju i obnavljanje kulturno-historijskog i prirodnog nasljeđa koja su realizirana prema Odlukama Vlade Federacije Bosne i Hercegovine u periodu 2004-2011 godina
- Studija izvodljivosti- sanaciono konzervatorsko-restauratorski radovi – Stari grad Bobovac (I faza)

S poštovanjem,

